



PATRICIO SYMSONO



Pseudo-episcopus malam hanc herbam, meritò ex Ecclesiâ ejectam; sensim iterum per aliquot jam annos irrepentem; mentitisq; titulis, & falsâ utilitatis specie insinuantem se, & cernere jamdudum poteramus omnes, & averfari debueramus: quippe Papanam prorsus hierarchiam, tam solenniter nobis abjuratam, aut ejus saltem propaginem, seu stirpem mavis, statim inutilem, dudum noxiam semper noxæ futuram. Deposita autem jam personâ, palam se professam, palam se inferentem irrumpentem magno gradu, spirantem antiquos fastus, imminentem receptæ, firmatæ, juratæ disciplinæ, nec clam, ut nuper, cuniculos agentem, sed aperta vi grassantem: quo jure, qua injuriâ, fundamenta quatientem religionis, subruentem muros, ac portas molientem, ac quasi arcu insultantem, consilia, judicia, comitia, maxima quæque sibi vendicantem, in procerum dedecus, religionis, Reip. ruinam, ferre adhuc, & dissimulare jam amplius, cujus tandem pusillanimitatis? ac pavoris? aut inertiae potius, immo dementiae fuerit? Et quid, quæso, expectamus? An dum rerum fastigia invadat? Rempublicam occupet? omnia ducat, trahat? consilia, judicia, sacra, civilia? At quàm serò lugebimus! quàm frustra, stabilitatâ illâ, latis semel legibus! Quin imus contra dum licet, dum per leges fas est, dum pro nobis illæ stant; dum pin-

A

nas

nas forte prensant hostes, at in muros nondum eva-
fere, nec arcem tenent adhuc nec ille civitati suæ a-
deo succenseat! Nos tamen cunctamur! & alij a-
lios intuemur! aut expectamus! aut incusamus!
Quippe hic modestiâ, puta, peccat; Iuvenem se pro-
fessus, ac imparem: iste prudentiâ tempora caufatur,
& opportunitates, nunquam inventurus, quærit. Ille
pavidus auxilia circumspectat, & dum capita nu-
merat, ac consentium voces, paucitate animum de-
spondens rem deserit, stultus qui e ventum magis,
quam officij curiosus, quid alij facitint inquirat,
non quid ipse debeat. Ita qua præposterâ mode-
stia, qua stulta prudentia, aut inepto, dicam, an im-
pio pavore (siquidem impium est homines magis,
quàm Deum timere) dum nemo præit, omnes ces-
samus, immo cedimus, ac gradum referimus. Et
(si recta rebus nomina aptanda sunt) locum deserimus,
nec tentato certamine fædè fugientes, sacra-
mento indecores, ac fustuarium meriti. Et facere
tamen alia alios magis decet, & esse gradus fateor,
& suam cuique vicem: servariq; ordines, & decere,
& debere, & oportere. Et quid faciamus gregarij,
si Antesignani trepidatis? si dubitant duces? si se
subtrahunt? Constituit vos ille in prima acie, qui pa-
stores vos constituit, & agmen iussit ducere, & ipsos
præire, & alijs animum addere. Et vestra maxi-
me res agitur. Si ceditis, si lentè agitis, si supinè,
& segniter: quid qui in nullam reipub. partem veni-
mus? Quin sunt & inter vos gradus: & alij alijs eru-
ditione præstatis, gravitate, autoritate. Est, quem
anteire deceat, quem sequi, quem lentiùs, quem
vehementiùs agere, quem docere, quem disputare,
hor-

hortari, arguere: qui rectis per se dictis pondus ad-
dat & suis juxta, & adversarijs reverendus. Et jam
ad decem deducti, tentamentum belli; de vestris,
ac adversariorum animis haud leve in utramvis par-
tem documentū daturi. In vos omnium oculi conje-
cti, & hujus colloquij eventum, in te autem imprimis
(Amicissime, & mihi semper amantissime, & nunc si
unquam, Christi causæ hoc vinculo conjunctissime)
in te inquam, ea integritate, fide, doctrina, pru-
dentia, modestia, quibus & nostri fidant, & ad-
versarij moveantur. Capesse magnus, hoc munus;
& sælix defungere, tum ecclesiæ, tum tuo (nec du-
bitem) magno bono. Ventum ad extremam di-
micationem est, ubi aut fortiter vincendum, aut ho-
nestè cadendum est, quicumque Christo seriò mili-
tatis. Equidem nihil medium video, nec dissimu-
lari ultra rem posse, nec protelari: nec vos prote-
lando, aut dissimulando unquam operæ-premium fe-
cisse. Quin hoc esse, quod illi agunt, instantibus
pempæ comitijs, ut per vestrum silentium negotium
transigant. Sed quid agamus, dicat aliquis: aut
quid agendo profecerimus? Enimvero in promptu
responsio: nec ea dubia, aut ambigua. Siquidem
jus postulant illi, si quod fas est, si quod ex usu eccle-
siæ, aguntque rectè omnia, omnia ordine, omnia
candidè, si promissis stant, & fidem sincerè præstant:
cedamus sponte, ac manus tendamus: etiam laude-
mus ultro, agamusq; gratias, & per multa millia
obviam eamus, tantum abest, ut aut ipsis aut prin-
cipis, quam jactitant: (seu vere eam jactitant, seu
falsò) authoritati obnitamur. Sin contra, & ne-
fas petunt, & ecclesiæ noxium, si agunt perplexè,

• vafre, fraudulenter, fi vana fpe laftarunt, de re-
ducendis, qui in exilium pulfi, de liberandis, qui in
custodiam dati erant, & verba dederunt, nec præ-
terea quicquam: fi in non neminem, regiam majesta-
tem etiam exasperarunt, & ut durius confuleret, ef-
fecerunt, qui etiam cum nullius criminis comper-
tus effet, etiam confilij fententia innocens pronunci-
atus: tamen in rei fummum difpendium, in vitæ dif-
crimen procul amicis, inter religionis certos hoftes,
ejectum officio, nullo jure detrufert, &, quan-
tum in ipsis erat, crudeliflime enecarunt, nec bona
fide inducias fervarunt, & pacem pacti, hoftilia pa-
traverunt, in ecclefiaftica, in civilia munera irrum-
pentes, & quod presbyteriorum, quod Synodorum
eft, affectantes, & nec minas a paftoribus abftinentes,
in confilio jactitare aufi funt, penes fe efle judicia
ecclefiaftica, prohibendi poteftatem. Hæc, inquam,
fi ita funt, tantum abeft, ut vel latum unguem ce-
dendum ijs putem, ut contra liberè de his ipsis ex-
poftulandum: acriter admonendos, objurgandos
pro rerum atrocitate, nec ufquam in pofterum fi-
dendum, quin cavendum, ut a foenum in cornu ha-
bentibus: fraudibus occurrendum, violentiæ refi-
ftendum, rejicienda poftulata, fufpectas habendas
blanditias, minas defpiciendas, opponendam fal-
fis veritatem, fucatis fimplicitatem, humanis divi-
nitatem, omnibus libertatem, candorem, conftan-
tiam, ut nec latere, nec artes fuas fciant, nec duci
amplius, aut decipi, nec cogi vos jam poffe. De
controverfiis autem, quas vocant, an non perfpicuum
eft, nihil in religione, nihil in nofta difciplina con-
troverfum? Omnia jamdudum definita, ac legibus
ftabilita

stabilita esse, etiam ipsis aghita, approbata, jurata.

Vbi quis ferat iuramentum eludentes, quasi pseudo-episcopatu hoc disciplinam illam non everterent, quasi eadem esset Presbyteriorum, & pseudo-episcopatus, quem obtrudunt, disciplina? At qui cum harum paritas, & imparitas ipsissima differentia sint, tam ipsas contrarias esse necesse est, quam differentia sunt contrariae. Aut quasi aliam illuc Hierarchiam detestarentur, quam hic urgent. Ponere-turque (scilicet) *Evangelicos* illud (*Papana Hierar-
chia*) non *Evangelicos* potius: quasi alia ulla esset Hie-
rarchia, quam Papana, i. quae papanae ecclesiae in
usu est: quae vell ab illo, vel a qua ille, vim hanc,
& tam enormem potestatem sumpsit, ut & de caete-
ris cernere est, in iuramentum illa formula expressis
& impressis: qualia sunt *Papana Missa*. An aliam,
ideo (nempe quae Papae non est) Missam admitti-
mus? *Papanum* pro mortuis sacrificium, an aliud
somniaemus? *Papana* sanctorum indigetatio, cae-
teraque similia, ut omnia percurramus, nunquam
Evangelicos poni animadvertas, quasi haec quae Papae
sunt, detestaremur, alia toleraremus, sed haec (quae
sane Papae sunt) ubicunque tandem sint, fugiamus,
nec ea, quia a Papa profecta, sed Papam, quia ea
ingerat. Tum Papana hierarchia non aliter, sed co-
dem per omnia modo interpretanda venit. Et dicat,
qui vult serio, an quisquam haec aliter tum tempo-
ris interpretatus sit, aut alia tum fuerit aut ecclesiae
jubentis, aut ipsius scribentis mens. Hic, aut valde
fallor, vnus vobis contraversiae status, in quem om-
ni nixu, omni verborum & argumentorum vi incum-
batis, nec usquam divertatis, nec divertit vos ulla oc-
casione

caſione patiamini. Atqui hoc poſito fundamento,
corruunt omnia illa, quæcunq; habemus quibus-
cunq; fundamentis ſuperſtruxerunt: tum ipſorū ſu-
pereminentia, tum preſbyteriorum, & ſynodorum
moderator perpetuus, quibus aut illi decedant, & in
integrum ac priſtinum ſtatum eccleſiam penitus re-
ſtituant, aut nullam unquam vobis cum ijs ſocieta-
tem, aut pacem coire poſſe, minime diſſimulandum
eſt. Atq; hoc in ſermonibus privatis, concionibus,
publicis profitendum: inſtruendos in hæc, informan-
dos greges, cunctos, ſingulos, conſilia de his admo-
nenda, plebem, proceres, clam, palam, & hoc, & om-
ni tempore, juventutem de his inſtituendam, adul-
torem ætatem aſſueſcendam, omni ope, nixu, dili-
gentia: Arguendum quicquid hoc oppugnet: pro-
teſtandum, atteſtandum: quin ſi pertinaciores per-
gant eſſe, & nulla meliorum ſpe eccleſiæ moleſti,
ſtringendum etiam verbi gladium, & amputandum
quod curari abnuat, ratamque eam apud auctorem
Deum, & efficacem ſententiam fore. Atq; hæc de
priori hujus quæſtionis parte, nempe quid agendū
eſt. Ad alteram, (*Quid profutura hæc eccleſia ſint*)
poſſem reſpondere, quid profuit hætenus aliam viā
tenuiſſe? An non omnia quotidie cernimus in peju-
ut ait ille ruere, & retro ſublapſa referri? Itaq; di-
cam verbo, aut hæc eccleſiæ profutura ſunt, aut ni-
hil profuturum eſt. Sic ipſi certe errores hi redar-
guuntur, & ſi quis pudor, corriguntur, Sic regia
Majeſtati error tollitur, quem illi auribus fortalle
& nimo inſtillarunt, inclinatam jam rem, defeciſſe
ma: i nam miniſterij partem, reſtare paucos, eoſque
more magis quā judicio, nullius aut eruditionis, aut
authoritatis, annitendū paululum, admovendū me-
tum, ceſſuros & illos, ſublatis præcipue, aut mulcta-

tis pauculis, a quibus pendere cæteros falsò sibi persuasere. Hoc dempto errore, miserebitur ille suorum, qua bonitate est, agnoscat recta, quo iudicio, laudabit constantiam, quo candore, verebitur Dei manum qua modestia, & qua prudentia fovebit, nec turbari ob tantilla, nec divelli ecclesiam, nec vulnerari sibi omnium sincerissime addictorum animos sinet. Hic finis, hic exitus malorum futurus. Sin secus (quod ille misericors avertat Deus) evenierit, nos officio functi fuimus, & testimonium, tum ipsis, tum alijs, tum huic, tum futuris sæculis præbuerimus: quin si quid durius patiendum fuerit, fruemur optima conscientia, feremusque æquanimiter, quod nisi Deo perfidi, & profugivitate non potuimus, nec pro ejus causa stetisse, quantum in nobis fuit, unquam pænitebit. Cætera illi permitienda, penes quem omnis, in coelo, in terra, potestas est, in qua nec inquirere nimium nos, nec de officio nostro ambigere oportet, quæ nostræ partes sint, magis quam quæ ille facturus sit curantes. Hoc tamen puto profiteri me posse, accensa multorum studia, odio esse quam plurimis pseudo-episcopos hosce, etiam ijs quibus nuper tolerabiliores videbantur: fastidiri fastus & ambitum, nec parvam sibi undique invidiam conflasse, seu indignationem mavis. Addendos stimulos his affectibus, & exemplo præeundum, omniq, operam nitendum, ne quem progressum faciant. Spem esse sisti posse impetus, mox & ipsos impelli. Sed retineo me, & ab eventu, & spe ad officium redeo. Id unum ante oculos ponendum. Eò vos cum Deo, teque, imprimis voco, non paucis, puto, certe optimo quoque, secuturis. Atque hæc minus fortasse necessaria, quæ Dei tamen, quæ rei, quæ tui sanè amor extorsit, æqui bonique consule. Sequi ille conatibus vestris, facilem & secundum aspiret, Vale



